



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-402-4/21**
Datum: **14.09.2020. godine**

„Agencija za vodno područje rijeke Save“ Sarajevo rješavajući po zahtjevu pravnog lica „EDEKA“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice i samouslužne autopraonice sa pratećim sadržajima „EDEKA“ – Podružnica Ilijaš, izgrađene u naselju Podlugovi, općina Ilijaš, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „EDEKA“ d.o.o. Sarajevo daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije objekata benzinske pumpne stanice i samouslužne autopraonice sa pratećim sadržajima „EDEKA“ – Podružnica Ilijaš, izgrađenih na zemljištu označenom kao k.č. broj 2477/1, 2477/2 i 2478, 1130/1 i 1130/3 K.O. Podgora (novi premjer, što odgovara k.č. broj 1130/1 i 1129/3 K.O. Podgora (stari premjer), općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekata i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u podzemnim čeličnim dvoplašnim rezervoarima (dva rezervoara sa pregradama) ukupne zapremine $V=75,94$ t i skladištenje TNP-a u podzemnom rezervoaru zapremine 10 m^3 , sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.4. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetne benzinske pumpe sa pratećim sadržajima nesmetano sakupljaju putem slivnika sa slivnom rešetkom, te kanalizacionom mrežom odvedu do ugrađenog tipskog separatora ulja i naftnih derivata, a zatim prečišćene kanalizacionom cijevima, preko okna za monitoring prečišćenih voda, odvedu zajedno sa čistim oborinskim vodama i prečišćenim sanitarnim otpadnim vodama do ispusta izvedenog u rijeku Stavnju.
 - 3.5. Korisnik poslovnog objekta za sve vrijeme trajanja ove vodne dozvole treba obezbjediti da se otpadne vode iz samouslužne autopraonice prikupljaju putem slivne rešetke u taložnike (dva boksa), te putem interne kanalizacione mreže odvedu do ugrađenog tipskog separatora ulja i naftnih derivata zajedno sa oborinskim onečišćenim vodama, te nakon prečišćavanja preko okna za monitoring spajaju sa čistim oborinskim vodama i prečišćenim sanitarnim otpadnim vodama, ta kanalizacionim cijevima odvedu do ispusta izvedenog u rijeku Stavnju.
 - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbjediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.7. Separator ulja i naftnih derivata, te pripadajuće objekte za prikupljanje i odvodnju otpadnih voda, održavati u ispravnom stanju, redovno vršiti njegovo praznjenje i o tome voditi evidenciju.
 - 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.10. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije.
 - 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice «EDEKA» d.o.o. Sarajevo je dužno provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „EDEKA“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekata benzinske pumpne stanice i samouslužne autopraonice sa pratećim sadržajima „EDEKA“ – Podružnica Ilijaš, izgrađenih na zemljištu označenom kao k.č. broj 2477/1, 2477/2 i 2478, 1130/1 i 1130/3 K.O. Podgora (novi premjer, što odgovara k.č. broj 1130/1 i 1129/3 K.O. Podgora (stari premjer), općina Ilijaš.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-17-001099 od 10.03.2017. godine;
- Kopija uvjerenja o poreznoj registraciji „EDEKA“ Društvo za proizvodnju, trgovinu, promet i usluge d.o.o. Sarajevo, izdatog od strane Federalnog ministarstva finansija, Porezna uprava - Kantonalni ured Sarajevo, dana 05.02.2007. godine;
- Kopija uvjerenja o poreznoj registraciji „EDEKA“ Društvo za proizvodnju, trgovinu, promet i usluge d.o.o. Sarajevo, Podružnica Benzinska stanica „EDEKA“ Ilijaš, izdatog od strane Federalnog ministarstva finansija, Porezna uprava Federacije BiH, Kantonalni porezni ured Sarajevo, dana 16.03.2017. godine;
- Kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-UPP/1-13542/07 od 06.09.2007. godine izdatog od strane Uprave za indirektno-neizravno oporezivanje Banja Luka;
- Kopija Rješenja o urbanističkoj saglasnosti za izgradnju benzinske stanice sa pratećim sadržajima, donesenog od strane Službe za prostorno uređenje i stambeno-komunalne poslove općine Ilijaš, broj: 05/1-23-2216/13 dana 24.01.2014. godine;
- Kopija Rješenja o odobrenju za građenje kompleksa poslovnih objekata, donesenog od strane Službe za prostorno uređenje i stambeno-komunalne poslove općine Ilijaš, broj: 05/1--23-752/14 od 18.04.2014. godine;
- Kopija Rješenja - upotrebna dozvola za kompleks poslovnih objekata, donesenog od strane Službe za prostorno uređenje i stambeno-komunalne poslove općine Ilijaš, broj: 05/1--23-1606/16 od 12.12.2016. godine;
- Kopija Rješenja o vodnoj dozvoli broj: UP-I/25-3-40-531-5/16 od 25.10.2016. godine, donesenog od strane Agencije za vodno područje rijeke Save;
- Kopija Rješenja o vodnoj dozvoli broj: 07-06-25-12796/16 dana 27.12.2016. godine, donesenog od strane Ministarstva privrede Kantona Sarajevo;
- Kopija Opći akt o održavanju, korištenju, posmatranju i postupanju u slučaju kvara ili havarije na vodnim objektima;
- Godišnji Izvještaj o monitoringu kvaliteta i kvantiteta otpadnih voda benzinske pumpe i autopraonice „EDEKA“ Ilijaš za 2020. godinu, urađen od strane „Inspekt – RGH“ d.o.o. Sarajevo;
- Izvještaji o monitoringu kvaliteta i kvantiteta otpadnih voda benzinske pumpe i autopraonice „EDEKA“ Ilijaš (januar i august 2021. godine), urađen od strane „Inspekt – RGH“ d.o.o. Sarajevo;
- Projekat izvedenog stanja – vodosnabdijevanje, prikupljanje i zbrinjavanje otpadnih voda poslovnog objekta – Benzinska pumpa sa pratećim sadržajima u naselju Podlugovi, općina Ilijaš, urađen od strane „ES HYDROTECHNICS“ d.o.o. Sarajevo (na uvid);
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), ovaj organ je pokrenuo upravni postupak, te je dana 13.09.2021. godine izvršen pregled predmetne lokacije benzinske stanice i samouslužne autopraonice sa pratećim sadržajima „EDEKA“ – Podružnica Ilijaš, izgrađenih u naselju Podlugovi, općina Ilijaš, o čemu je sačinjen Zapisnik o uviđaju broj: UP-I/25-3-40-402-2/21 dana 13.09.2021. godine.

Na osnovu dokumentacije dostavljene uz zahtjev i Zapisnika o uviđaju utvrđeno je slijedeće:

Na predmetnom lokalitetu nalaze se slijedeći objekti: benzinska pumpa sa dva agregata za istakanje goriva sa nadstrešnicom, samouslužna autopraonica (dva boksa), autoservis motornih vozila i objekat za tehnički pregled vozila koji nisu u funkciji (trenutno se koriste kao skladišni prostor), prodajni salon, caffe bar, pansion za noćenje sa kuhinjom, sanitarni čvor.

Oborinske onečišćene vode sa predmetne lokacije i tehnološke otpadne vode sa lokacije samouslužne autopraonice (slivna rešetka i taložnik) prikupljaju se putem slivnika sa slivnom rešetkom i internom kanalizacionom mrežom vode do ugrađenog tipskog separatora nafte i naftnih derivata, te preko okna za monitoring vode i spajaju sa čistim oborinskim vodama (sa krova i nadstrešnice) i prečišćenim

sanitarnim otpadnim vodama (ugrađen bio prečistač i mastolov (kuhinja pansiona), te odvode do ispusta izvedenog u rijeku Stavnju.

Skladištenje nafte i naftnih derivata vrši se u dva podzemna čelična dvoplašna rezervoara ukupne zapremine 75.94 t, a skladištenje TNP-a u podzemnom rezervoaru zapremine 10 m³, sa pripadajućom armaturom za rukovanje, praćenje i sigurnost rada.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

**Po ovlaštenju
Rukovodilac sektora za izdavanje
vodnih akata**



Hans Ališehović
Hans Ališehović, dipl.ing.građ.

Dostaviti:

- „EDEKA“ d.o.o. Sarajevo, Moševačka broj 143A, 71387 Ilijaš
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava